



Broj: A-III-37/24-IV  
Sarajevo, 04.06.2024. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj: 20/02, 22/02 i 30/08), člana 64. stav 1) tačka b), člana 25., 70. i 98. Zakona o javnim nabavkama („Službeni glasnik BiH”, broj 39/14 i 59/22) – u daljem tekstu: ZJN, člana 9. i 37. Pravilnika o javnim nabavkama roba, usluga i radova u Kantonalnom tužilaštvu Kantona Sarajevo, broj: A-419/24 od 24.05.2024. godine, te preporuke Komisije za provođenje postupka javne nabavke roba: „**Nabavka štampača za potrebe Kantonalnog tužilaštva Kantona Sarajevo**“, date u Zapisniku broj: A-III-37/24–III od 03.06.2024. godine, Glavna kantonalna tužiteljica donosi:

## ODLUKU

### o izboru najpovoljnijeg ponuđača i dodjeli ugovora za nabavku štampača za potrebe Kantonalnog tužilaštva Kantona Sarajevo

#### I

Prihvata se preporuka Komisije za javne nabavke i Ugovor o nabavci roba – štampača za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču **“PRINTEX” d.o.o. Sarajevo, Hasana Sušića br. 9 i 11, 71000 Sarajevo**, a prema ponudi broj: 63/24 od 29.05.2024. godine, s ukupnom cijenom **3.500,00 KM bez PDV-a, odnosno 4.095,00 KM sa PDV-om**, kao jedina prihvatljiva i pravilna ponuda.

#### II


Ugovor o javnoj nabavci dostavit će se na potpis izabranom ponuđaču **“PRINTEX” d.o.o. Sarajevo** po proteku 15 dana od dana kada su svi ponuđači obaviješteni o izboru najpovoljnijeg ponuđača, u skladu sa članom 98. stav (1) ZJN.

#### III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav (6) ZJN.

#### IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) ZJN.



## Obrazloženje

Na osnovu Odluke o pokretanju postupka javne nabavke broj: A-III-37/24 od 06.05.2024. godine pokrenut je postupak javne nabavke roba: „**Nabavka štampača za potrebe Kantonalnog tužilaštva Kantona Sarajevo**“, procijenjene vrijednosti 4.200,00 KM bez PDV-a, putem otvorenog postupka javne nabavke roba.

Obavještenje o nabavci broj: 274-1-1-89-3-11/24 od 08.05.2024. godine objavljeno je na Portalu javnih nabavki, zajedno sa cjelokupnim tekstom Tenderske dokumentacije, a sažetak obavještenja o nabavci objavljen je u Službenom glasniku BiH.

Zahtjev za pojašnjenje tenderske dokumentacije u predmetnom postupku javne nabavke, u skladu sa tačkom 6.2. TD, u zakonskom roku putem portala JN je postavio „ALF-OM“ d.o.o. Banja Luka, dana 08.05.2024. u 15:50 i isto odnosilo na tehničku specifikaciju odnosno tehničke karakteristike za: molim Vas da nam omogućite radi izlaska na tender mogućnost podrške tonera (jedna kaset) min 18000 stranica i vrijeme ispisa prve stranice 6.7 sek??

Ugovorni organ je dana 09.05.2024. godine u 10:15 sati u skladu sa članom 56. stav (2) Zakona o javnim nabavkama Bosne i Hercegovine ("Službeni glasnik BiH" broj: 39/14 i 59/22), u zakonskom roku, dao sljedeće pojašnjenje: Tehničkom specifikacijom navedenom u Obrascu za cijenu ponude – robe – Aneks 3. su navedene minimalne tehničke karakteristike koje štampač mora zadovoljiti. Ovom ugovornom organu su potrebni štampači koji imaju velike kapacitete tonera, s obzirom da se štampaju obimni dokumenti, te je neproduktivno i neekonomično stalno mijenjati i nabavljati tonere manjeg kapaciteta, u smislu da se otežava organizacija svih segmenata poslovanja ugovornog organa ukoliko imamo štampače koji imaju manje kapacitete tonera. Velika je razlika između 18.000 kopija i 20.000 kopija koje toner može printati, te nismo u mogućnosti smanjiti zahtijevane minimalne tehničke karakteristike. A što se tiče maksimalnog vremena ispisa prve stranice gdje je navedeno da je maksimalno 6 sekundi, prihvatamo Vaš zahtjev da se vrijeme ispisa prve stranice izmijeni na maksimalno 6,7 sekundi. Nakon što se objavi odgovor na ovo pitanje, ugovorni organ će objaviti novi izmijenjeni Obrazac za cijenu ponude - robe - Aneks 3., koji će biti izmijenjen u dijelu koji je gore naveden.

Shodno navedenom, mijenja se Obrazac za cijenu ponude - robe - Aneks 3. u gore navedenom dijelu, te novi Obrazac za cijenu ponude - robe - Aneks 3. postaje važeći i sastavni dio tenderske dokumentacije, umjesto prvobitnog. U svim ostalim dijelovima, tenderska dokumentacija ostaje nepromijenjena.

Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.

Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-135/24 (u daljem tekstu: Komisija) je dana 29.05.2024. godine u 11:15 sati, u prostorijama Ugovornog organa izvršila javno otvaranje ponuda i sačinila Zapisnik sa otvaranja ponuda, u kojem je konstatovala da su u predmetnom postupku blagovremeno zaprimljene 3 (tri) ponude. Javnom otvaranju ponuda nije bilo prisutnog predstavnika ponuđača. Zapisnik sa otvaranja ponuda dostavljen je svim ponuđačima koji su učestvovali u postupku javne nabavke u zakonskom roku, u skladu sa članom 63. stav 6. Zakona o javnim nabavkama.



Bosna i Hercegovina  
Federacija Bosne i Hercegovine  
**Kantonalno tužilaštvo**  
**Kantona Sarajevo**

Nakon otvaranja ponuda, Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-37/24-III od 03.06.2024. godine, koji je sastavni dio ove Odluke, i u kome je konstatovala sljedeće:

U ostavljenom roku blagovremeno su pristigle tri (3) ponude i to ponude ponuđača: **"EMADO" d.o.o. Sarajevo, "PRINTEX" d.o.o. Sarajevo i "R&S" d.o.o. Sarajevo.**

Komisija je konstatovala da su dostavljene ponude ponuđača: **"EMADO" d.o.o. Sarajevo, "PRINTEX" d.o.o. Sarajevo i "R&S" d.o.o. Sarajevo, prihvatljive** prema obliku, sadržaju, potpunosti, sposobnosti obavljanja registrovane djelatnosti i tehničke i profesionalne sposobnosti, te da ponuđene vrijednosti ponuda odgovaraju planiranim, odnosno osiguranim sredstvima.

Komisija je takođe izvršila provjeru računске ispravnosti prihvatljivih ponuda po tački 10.5. Tenderske dokumentacije i konstatuje da nijedna ponuda nije imala računskih grešaka.

U skladu sa tačkom 8.4.2. b) tenderske dokumentacije Komisija je izvršila uvid u ponude u pogledu zadovoljavanja **tehničkih uslova za predmete nabavke**, zahtijevaih u tehničkoj specifikaciji, datoj u Obrascu za cijenu ponude –robe –Aneks 3. tenderske dokumentacije Otvorenog postupka, te shodno mišljenju IKT službe KTKS, utvrdila je da je su sve ponude ponuđača **"EMADO" d.o.o. Sarajevo, "PRINTEX" d.o.o. Sarajevo i "R&S" d.o.o. Sarajevo pravilne** i da je ponuđena roba u skladu sa tenderskom dokumentacijom, odnosno tehničkom specifikacijom, da je primljena u roku za dostavu ponuda, da ne postoje dokazi o tajnom sporazumu ili korupciji, te da je ponuda rezultat tržišne konkurencije i cijena ponude nije izuzetno niska (neprirodno niska).

Polazeći od gore navedenih konstatacija i činjenice da su tri (3) blagovremeno pristigle ponude prihvatljive za ugovorni organ, Komisija je pristupila vrednovanju prihvatljivih i pravilnih ponuda, shodno utvrđenom kriteriju „najniža cijena“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih i pravilnih ponuda za nabavku roba: **„Nabavka štampača za potrebe Kantonalnog tužilaštva Kantona Sarajevo“, prije održavanja e-aukcije sljedeća:**

R.B.	Naziv ponuđača	Vrijednost inicijalne ponude bez PDV-a
1.	<b>Emado d.o.o. Sarajevo, Azize Šaćirbegović 112, 71000 Sarajevo; broj ponude NR1305-AT/24 od 13.05.2024. godine</b>	<b>4.150,00 KM</b>
2.	<b>R&amp;S d.o.o. Sarajevo, Igmanska b.b., 71320 Vogošća, broj ponude: 2705/24 od 27.05.2024. godine</b>	<b>4.190,00 KM</b>
3.	<b>Printex d.o.o. Sarajevo, Hasana Sušića br. 9 i 11, 71000 Sarajevo, broj ponude: 63/24 od 29.05.2024. godine</b>	<b>4.200,00 KM</b>

Komisija je završila sa radom 29.05.2024. godine u 18:30 sati i odlučila da se e-aukcija zakaže dana 31.05.2024. godine za 03.06.2024. godine u 11:00 sati.

Komisija je nastavila sa radom dana 03.06.2024. godine u 16:00 sati, nakon što je e-aukcija održana, a bila je zakazana 03.06.2024. godine s početkom u 11:00 sati i trajala je do 11:18 sati.



Bosna i Hercegovina  
Federacija Bosne i Hercegovine  
Kantonalno tužilaštvo  
Kantona Sarajevo

Shodno izvještaju o toku i završetku E-aukcije, kreiranog od strane AJN, rang lista prihvatljivih i pravilnih ponuda nakon e-aukcije je:

R.B.	Naziv ponuđača	Vrijednost konačne ponude bez PDV-a
1.	Printex d.o.o. Sarajevo, Hasana Sušića br. 9 i 11, 71000 Sarajevo, broj ponude: 63/24 od 29.05.2024. godine	3.500,00 KM
2.	Emado d.o.o. Sarajevo, Azize Šaćirbegović 112, 71000 Sarajevo; broj ponude NR1305-AT/24 od 13.05.2024. godine	3.550,00 KM
3.	R&S d.o.o. Sarajevo, Igmanska b.b., 71320 Vogošća, broj ponude: 2705/24 od 27.05.2024. godine	3.650,00 KM

Kao prvorangirana najpovoljnija ponuda, prema kriteriju najniža cijena, je ponuda izabranog ponuđača "PRINTEX" d.o.o. Sarajevo, Hasana Sušića br. 9 i 11, 71000 Sarajevo, s ponudenom cijenom 3.500,00 KM bez PDV-a, odnosno 4.095,00 KM sa PDV-om.

Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

#### POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.

GLAVNA KANTONALNA TUŽITELJICA



Sabina Sarajlija

#### Dostavljeno:

- Ponuđač R&S d.o.o. Sarajevo,
- Ponuđač EMADO d.o.o. Sarajevo,
- Ponuđač PRINTEX d.o.o. Sarajevo,
- Komisija,
- U spis.